

պաշտպանը արդէն խնդրել է դադարեցնել դատաստանական քննութիւնը մինչև հրապարակման վրայն հասնելու:

ԳԵՐՄԱՆԻԱ

Չը նայելով, որ կոմս Հալսթեյդը չէ կամենում թողնել դեսպանի պաշտօնը Կ. Պոլսում, այնուամենայնիւ Բերլինի մէջ նրա համար պատրաստում են արտաքին գործերի մինիստրի պաշտօնը: Հաւանական է, որ գերմանական դեսպան Կ. Պոլսի մէջ կը նշանակվի Բադենի:

Բայիստագի գումարումը նշանակված է նոյեմբերի 15-ին: Բայիստագին ներկայացնելու առաջարկութիւնները կը քննվեն նաև խաղաղարարական ժողովի մէջ և նախագիծերի բովանդակութիւնը կախված կը լինի նրանից, թէ Բայիստագը ինչպիսի կազմակերպութիւն կունենայ: Եթէ Բայիստագի մէջ իշխան Բիսմարկի կողմնակիցները մեծամասնութիւն կը կազմվի, նա կը շարունակէ իր գոյութիւնը, հակառակ դէպքում ծննդեան տօնից յետոյ Բայիստագը կարճակիւ և նոր ընտրութիւններ կը նշանակվեն: Եթէ մինչև անգամ իշխան Բիսմարկին ձեռնառնու մեծամասնութիւն կազմվի, այնուամենայնիւ առաջին շրջանին կառավարութիւնը չի ներկայացնի ծխախոտի արտօնութեան և բանւորների ապահովելու օրինագիծները:

Պաշտօնական լրագիրները պաշտպանում են կառավարութեանը այն մեղադրանքի դէմ, իբր թէ նրա անզգոյշ վարմանը առիթ է տուել վատիկանի և գերմանական կառավարութեան մէջ կատարվող բանակցութիւնների սառնութեանը: Լրագիրները պնդում են, որ երկու կառավարութիւնները մէջ խաղաղ բանակցութիւնները շարունակում են և կարող են ցանկալի հետևանքներ ունենալ:

Պրուսական պարլամենտի նախկին պատգամաւոր Ֆոն-Ունդու, որ հրատարակեց իր յիշողութիւնները իշխան Բիսմարկի գործունէութեան մասին 1848 թուականից, յայտնում է լրագիրների մէջ, որ նա մտադիր է դատաստանի ենթարկել իշխանի օր-

դան „Nord Deut. Alg. Zt.“ լրագիրը վիրտուալաբար համար Զիշել լրագիրը անազնութիւն է անուանում իշխան Բիսմարկի մասնաւոր խօսակցութիւնների հրատարակութիւնը, որոնցով իշխանը անհամար կրկնելի անձնաւորութիւն է նկարագրվում: Բիսմարկի լրագիրը իր սովորութեան համեմատ խստութեամբ յարձակեցաւ Ֆոն-Ունդուի դէմ և այժմ նա կենթարկվի դատաստանական պատասխանատւութեան:

ԱՐՏԱՔԻՆ ԼՈՒՐԵՐ

—«Times» լրագրի Բերլինի թղթակիցը հաստատում է, որ իշխան Բիսմարկ իր մասնաւոր խօսակցութեան ժամանակ Բերլինի կոնգրեսի անդամների հետ, չէր ծածկում, որ Բալկանեան թերակղզու ապագան պատկանում է Ռուսաստանին և Աւստրիային և որ Անգլիան ոչինչ չաւելի արգելել այդ պետութիւններին հասնելու իրանց նպատակին, միայն թէ թողնէին իրանց Եգիպտոսը:

—Աւստրիական լրագիրները խօսքերով Բուխարէստում, Նասայում, Գալացում և րումինական այլ քաղաքներում կազմվեցան հրէական մասնաժողովներ օգնելու հրէաների գաղթականութեանը Պալէստինում: Մի և նոյն նպատակով բազմած են փոքր ժողովարարութիւններ, որոնք շատ յաջող են գնում: Կենտրոնական մասնաժողովը դիմեց Թուրքիայի ներկայացուցչին Բուխարէստում հրէական ազգայնականութեան համար հողեր ձեռք բերելու նպատակով: Բոլոր գաղթիկ ցանկացողները դիտարկութիւն ունեն երկրագործութեամբ պարագել:

—«Порядокъ» լրագիրը հաղորդում է, որ Մէկկայում խօսքեր յայտնվելու պատճառով Կ. Պոլսի առողջապահական յանձնաժողովը, Բ. Վերան համաձայնութեամբ, հրամայեց, որ մահմետական սուրբ տեղերը ուխտաւորներ տանող նաւերը չը մտնեն Ան Ժովի նաւահանգիստները: Այդ պատճառով, Ոսկիջուրին մօտեցած ռուսաց չոգնանը, իր ճանապարհը շարունակելուց առաջ, ստիպված էր նաւի վրա եղող ուխտաւորներին ափը իջեցնել: Նրանք մի ուրիշ չոգնանով յետ կուղարկվեց Ռուսաստան:

—«Times» լրագրում տպված է այն թղթակցի երկրորդ նամակը, որը այնքան մեծ աղուկ հանեց Թուրքիան բաժանելու իր նախագծով: Նա հաստատում է իր խօսքերը, ասելով, թէ իր տեղեկութիւնները պաշտօնական աղբւրից է ստացել: Նրա կարծիքով, Բալկանեան թերակղզու վրա փոքրիկ ինքնավարութիւն ունեցող պետութիւններ կազմակերպելու գաղափարը բոլորովին

խիմքա է, աչքի առաջ ունենալով արեւելեան ցեղերի անդադրադադրութիւնը և միմեանց դէմ ունեցած թշնամութիւնը: Այդպիսի ինքնավարութիւնը միայն անդադար պատերազմների պատճառ կը դառնար: Արեւելեան փոքրիկ պետութիւնները չեն կարող զարգանալ, սուանց կենտրոնական իշխանութեան օրհրդակցող ազդեցութեանը, որը միայն Աւստրիան կարող է լինել: Բայց յիմարութիւն կը լինէր մտածել, որ Աւստրիան յանձն կառնի այդ խնդրը անշահախորհութեամբ:

—Ֆրանսիական լրագիրները հաղորդում են, որ նախագահ Գրէվի իր եզրօր՝ Ալժիրայի գեներալ-նահանգապետի հետ, փարիզ վերադառնալու փուլ Զէրիի նախագահութեամբ կայացած մի-նիստների խորհրդում, կարենէտի անդամները վճռեցին, հանրապետութեան նախագահի ցանկութեան համաձայն, հոկտեմբերի 17-ին հրաժարական տալ: Խնդրեք կընդունվի և կը հրատարակվի միայն այն պայմանով, որ նրանք կը պահպանեն իրանց պարտքէլները մինչև նոր կարենէտի կազմվելը: Ամենքը հաւատացած են, որ նախագահը Գամբետային կառավարի այդ գործը, բայց որ նա բանակցութիւններ կը քաջալի մինչև պատգամաւորների նոր ժողովի բազմելը:

ԽԱՌՆ ԼՈՒՐԵՐ

Ամերիկական լրագիրները գրում են այն ահագին օգուտի մասին, որ տալիս է էլէկտրականութիւնը: Երեսուն և ութ տարի առաջ, փոթորկից վնասված Վէրմիլիոն նաւը խորացուցվեցաւ Երա լճի ջրերում: Այդ նաւի վրա դարձաւ էր տակառներով պղինձ, որի արժողութիւնն էր վաթսուն հազար դոլար: Շատ անգամ յայտնվում էին բազմաթիւ մարդիկ, որոնք աշխատում էին գտնել այդ կորած հարստութիւնը, բայց ոչ ոք չէր կարողանում որոշել տեղը, թէ ինչ տեղ նաւը ջրի տակ գնաց: Այդ բանը գտաւ էլէկտրականութիւնը: Մէկ փոքրիկ նաւ պատրաստեցին, որի վրա դրին նոր հնարած էլէկտրական մեքենան, որ հեռու տարածութեան վրա ցոյց է տալի մետաղների ներկայութիւնը: Ընթացիկ շատ խոր տեղում էլէկտրական մեքենան ցոյց տուեց մետաղի ներկայութիւնը: Յաճախ թողնելով ջրի մակերեսը, և երեսուն ու ութ տարի ծովի խորքում թաղնված հարստութիւնը ժամանակակից հնարագիտութեան աւար դարձաւ:

—Մայից քաղաքը մինչև 1866 թիւը, այսինքն մինչև այն ժամանակը, երբ նա գերմանական կայսրութեան քաղաք դարձաւ, ունէր չափից դուրս զանազանակերպ հիմնարկութիւններ և կատարելապէս կոսմոպոլիտական քաղաք կարող

էր համարվել: Հետեւեալ երկրագործներ, ֆրանսիական օրէնքներ, գերմանական ազգայնականութիւն, հռոմ-կաթոլիկական եկեղեցի, պրուսական կոմենդանտ, աւստրիական նահանգապետ, տուրնական փոստ, բաւարական հեռագիր և Բազէնի գաղափար ընկերութիւն, եւ ճշմարիտ, որ քաղաքը աշխարհիս երեսին կարող է ցոյց տալ իր մէջ այդքան զանազանակերպ հիմնարկութիւններ:

—Կապրէսոյից գրում են մի քանի մանրամասնութիւններ Գարիբալդիի մասին: Երեսուն իրան շատ լաւ է զգում, շատ զբօսում է իր կնոջ և երեխաների հետ, կարգում է, գրում է, սիրով խօսում է իրան այցելողների հետ, բայց բոլոր նրա հոգսերը, զխաւորապէս, կենտրոնացած են իր որդու կրթութեան վրա, որը, ինչպէս ասում են, շատ նման է նրան:

—Գէնուէզեան լրագիրները յայտնում են, որ Մադրիդ քաղաքում գաղթականութիւնների վարչութեան շինութեան պահեստներում գտնվեցաւ ֆրիստօֆոր Կոլումբոսի պատկերը, որը դեռ մեծ ծովագնացի կենդանութեան ժամանակ իւղաներկով է նկարված: Այդ պատկերը շատ գեղեցիկ պահպանվել է և նրա վրա հետեւալ գրութիւնն է գտնվում: «Columbus Ligur novi orbis repertor» (Կոլումբոս Լիգուրից, որը գտնել է Նոր Աշխարհը): Պատկերը ներկայացնում է քառասուն տարեկան մէկ առողջ տղամարդ, սև, խիտ մազերով, կենդանի փայլուն աչքերով և արծաթեան քթով: Պատկերից հանած առաջին կօպիան ընծայվեցաւ դուքս Վէրագոլին, որը ֆրիստօֆոր Կոլումբոսի այժմեան սերունդներից մէկն է:

«ՄՇԱԿԻ» ՀԵՌԱԳԻՐՆԵՐ

ՄԻՋԱԶԳԱՅԻՆ ԸՆԿԵՐՈՒԹԵՆԻՑ

Ս. ՊԵՏԵՐՅԱՆԻՐԿ, 5 հոկտեմբերի: «Новое Время» լրագիրը հաղորդում է հոգեբան յետ գնելու վճարների էկսպերտների խորհուրդը որ քննում էր յետ գնելու ապառիկների հարցը, կարծիք յայտնեց, որ ապառիկները հաւաքվել են զիւղացիների աղքատութեան պատճառով: Ապառիկների ներքը ամեն տեղ անհրաժեշտ է: Եկապերաների կարծիքով, դա կայսերական ուղղութեան գործ կը լինէր: Կայսրի առաջարկեց ապառիկները հանել հաշիւներէ: «С.-Петербург. Вѣдом.» լրագիրը հաղորդում է լուր, իբր թէ թատրոնները մեծ պատին փակված կը լինեն: Լուր կայ, որ երկաթուղիների ընկերութիւնները նոր արտօնութիւններ են ստանում տարիքի վերաբերութեամբ:

Խմբագիր—Կատարական ԳՐԻԳՈՐ ԱՐՄԵՐՆԵՐ

լինել ընդդիմադրելու և պատժելու, իսկ այն արարմունքը, որ անգիտութեան կամ սխալմունքի արդիւնք է, նա հակառակ է, որ չէ կարող պարտաւորել իր մէջ անիրաւութիւն և հետեւապէս կրել օրէնքի կողմից պատժ:

Ինչպէս որ ժողովուրդը կռիւ է բաց անում ոչ թէ մի կտոր հողի պատճառով, այլ թէ իր սեփական իրաւունքը պաշտպանելու և ոտնակոխ եղած պատիւը և անկախութիւնը կանգնեցնելու, այնպէս էլ գիւղացին պէտք է պինդ և հաստատուն կերպով պաշտպանէ ոչ թէ միայն կորած կամ ոչնչացրած սեփականութեան իրաւունքը, որ (այսինքն կորած բարիքը) շատ անգամ կարող է լինել աննշան, այլ նոյնպէս ապահովացնել և պաշտպանել անձնական պատիւը և յաջեցնել իրաւական զգացմունքը: Պարզ է, որ վեճը հիմնված լինելով կայքի վրա շատ անգամ փոխում է իր բնասորութիւնը և ստանում է բարոյական կերպարանը:

Ի հարկէ, ինչպէս փորձը ցոյց է տալիս, շատերը կան, որ այսպիսի դէպքերում հակառակ ընթացք են բռնում, որոնց համար հանգստութիւնը աւելի թանկ արժէ, քան թէ իրաւունք վայելելը: Ինչպէս պէտք է վերաբերվենք սրան, կարելի ասել թէ այս քեփից և բնութիւնից է կախված, մէկը սիրում է կռիւ, ընդդիմադրել, միւսը հանդիստ ապրել: Ի հարկէ իրաւական կէտից նայած երկուսն էլ հաւանութեան արժանի են, որովհետեւ ամեն մարդ իրաւունք ունի իր իրաւունքը պաշտպանել և չը պաշտպանել, բայց ես, ասում է Երնցը, համարում եմ այս հայացքը վերին աստիճանի ծուռ, անբարոյական և հակառակ իրաւունքի էութեան: Եթէ յիշեալ

հայացքը տարածվել և գործադրվէր ամեն ուրեք, այն ժամանակ մեղ կը ներկայանար իրաւունքի այն տիպը վիճակը, որտեղ նա իր հաստատութեան համար ի տեղի բարոյաբան քաջութեամբ կուէր անիրաւութեան դէմ, կը սովորեցնէր մեղ երկչորութիւն: Իսկ իմ համոզմունքս այսպէս է —անիրաւութեան դէմ դնել իւրաքանչիւրիս պարտականութիւնն է (ա) յանուն իր սեփական անձի, որովհետեւ այդ ինքնապահպանութեան հիմն է, (բ) յանուն հասարակութեան օգտին, որովհետեւ նրան հետեւելու համար հարկաւոր է որ այն համոզմունքը դառնար ընդհանուր:

Այն աստիճանը, որով իրաւական զգացումը գրգռում է ընդդիմադրել անիրաւութեան դէմ, կարող է ծառայել, իմ (հեղինակի) կարծիքով, ուղիղ մաշտամբ (չափա) թէ ինչպէս է հասկանում այս կամ այն ազգը կամ անհատը իրաւունքի նշանակութիւնը:

Ես այս համարում եմ անհերքելի ճշմարտութիւն, որ կարող է վերաբերել թէ հասարակական իրաւունքի (общественное право), թէ անհատական (частное право):

Մի և նոյն է թող ինչ ուզում է լինի իրաւունքի առարկան: Եթէ այս առարկան ձեռք եմ բերել սեփական աշխատութեամբ կամ ժառանգելով ուրիշից, նա իմն է, ես նրան տէրութիւն եմ անում և պահելով նրան պահում եմ և պաշտպանում եմ նրանում իմ կամ ուրիշի աշխատութեան արդիւնքը: Տիրելով այդ առարկային, ասում է գերմանացի իրաւաբանը, ես նրան գրաւում եմ իմ անձնաւորութեամբ, ով նրան կպչում է՝ ինձ է կպչում, այն հարուածը որ նրան են ուղղում՝ ինձ է դիպչում, որովհետեւ

նրա մէջ ներկայ է իմ անձնաւորութիւնը: Այս սերտ կապը իրաւունքի և անձնաւորութեան մէջ յատկացնում է բոլոր իրաւունքներին անշափի պիւն, որը ես ի հանդիպութիւն նրա նիւթական գրեւորին, անուանում եմ իղէալական արժէք: Այս իղէալական արժէքի շնորհիւ է, որ գիւղացին իրանից խլած մի քանի խորձ խոտի կամ ցորենի համար դատ է բացանում անիրաւին պատժելու համար, թէկուզ առաջուց գիտենար, որ մեծ դալմադրի մէջ կընկնի և գուցէ նպատակին էլ չի հասնի: Այդ իղէալական արժէքն է, որ ներշնչում է մարդու մէջ արիւթիւն իր ոտնակոխ եղած իրաւունքը պաշտպանել, ինչ զառապարդի նա պատկանում լինի, կրթված թէ տղտեւ, ինչպէս ասացի, այն աստիճանը, որով իրաւական զգացումը գրգռում է ընդդիմադրել անիրաւութեան դէմ, փորձաքար կարող է լինել թէ որքան զարգացած է իրաւաճանաչութիւնը: Բայց զգալ մէկից անիրաւութիւն և չը հետամոտել ոտնակոխ եղած իրաւունքը պաշտպանել, չը պահանջել վտանգը, կամ համբերութեամբ տանել հարուածը, կը նշանակէ հրաժարվել իրաւունքից, որ գուցէ ներքի է մասնաւոր դէպքերում հանգամանքների պատճառով, բայց կուենեայ կորստաբեր հետեանք, եթէ այդ շարունակվի երկար, զգացողութիւնը բոլորովին կը բթանայ, մինչև որ հազիւ ցաւ կը զգայ:

Եթէ գիւղացին թողնէ անպատիւ ոչխարը խըւղ աւազակին, թող հաստատ գիտենայ, որ միւս օրը կովն էլ կը տանի, մի քիչ էլ որ սպասէ, արտերի ցանքն էլ կը տանի, մի քիչ էլ որ սպասէ, աղջիկն էլ կը փախցնէ և վերջապէս ամբողջ գիւղը իր բնակիչների երկչորութեան շնորհիւ

բոլորովին կը թախմի և կը փչանայ չարածճի խմբից:

Որտեղ կայ անաշու դատաւոր, պէտք է դիմել նրան իրաւունքի պաշտպանութեան համար, իսկ եթէ չը կայ, եթէ տէրութիւնը իր ժողովրդին չէ պաշտպանում, ինչպէս այդ պատահում է Տաճկաստանում և ուրիշ վայրերի երկրներում, այնտեղ մարդ աւաղակին դէմ դնելու համար պարտաւոր է ինքն իրան պաշտպանել:

Ինքնապաշտպանութիւնը մարդու ամենատրամազան իրաւունքն է, որ ստուծ է ինքը բնութիւնը: Եւրօպական բոլոր կողէկաները, ինչպէս յայտնի է, թույլ են տալիս մարդու վտանգի ժամանակ, եթէ օրինական միջոց անյապաղ չէ կարելի գործադրել, դիմել սեփական զօրութեան (право необходимой обороны):

Ահա ինչ է ասում գերմանացի փիլիսոփայ Կանտը այդ հարցի մասին: «Տէրութիւնը կազմվելու ժամանակ ամեն մի անհատ հրաժարվում է իրան պաշտպանելու իրաւունքից այն պայմանով, որ տէրութիւնը ինքը հարկաւոր ժամանակ նրան պահպանէ, բայց երբ այս վերջինը չէ ուզում կամ չէ կարող իր պարտքը կատարել, այն ժամանակ մարդ կրկին իր ձեռքն է բերում ինքնապաշտպանութեան իրաւունքը»:

«Իրաւունքը, ասում է Բեռնէր (Հեգելի հետեւող), չը պէտք է խոնարհվի անիրաւութեան առաջ, երբ այս վերջինը ոտնակոխ է անում արդարութիւնը, թող իրաւունքը հզօր կերպով ընդդիմադրէ»:

Խօսված Բաղդասար Կարգոսեանց